



Maoiniú Straitéiseach de chuid na Comhairle Ealaíon, 2025

Eanáir-Nollaig 2025

Treoirínite d'Iarratasóirí

Spríodhata: 5.30 i.n. (am na hÉireann), Déardaoin 5 Meán Fómhair
2024

**Tabhair faoi deara: daoine faoi mhíchumas nó daoine a bhfuil riachtanais maidir le
bealach isteach acu**

Déanann an Chomhairle Ealaíon gach iarracht freastal réasúnta a chur ar fáil do dhaoine faoi mhíchumas nó do dhaoine a bhfuil riachtanais maidir le bealach isteach acu ar mian leo iarratas a chur isteach nó a bhfuil deacrachtaí acu teacht ar Sheirbhísí ar Líne.

Má tá riachtanas speisialta agat sa réimse sin, déan teagmháil le hOifigeach Rochtana na Comhairle Ealaíon chomh luath agus is féidir roimh an spríodhata.

Guthán: 01 618 0200 nó 01 618 0243

Ríomhphost: access@artscouncil.ie

Sa treoir seo, insítear duit conas is féidir leat cur isteach ar chlár Maoiniú Straitéiseach na Comhairle Ealaíon agus cá háit is féidir teacht ar thuilleadh eolais chun cabhrú leat le d'iarratas. Ba cheart duit na treoirínte seo a léamh go cúramach sula dtosaíonn tú ar an iarratas.

Is é an spriocdháta i gcomhair
na n-iarratas

5.30i.n., Déardaoin, 5 Meán Fómhair 2024

CLÁR

Cabhair a fháil maidir le d'iarratas	3
1. Cad ba cheart a bheith ar eolas agat faoi Mhaoiniú Straitéiseach	4
2. An dóigh a ndéanaimid d'iarratas a mheasúnú agus a scóráil	8
3. An bealach chun d'iarratas a dhéanamh	16
4. Conas do theimpléad um Thuairisc ar Ghníomhaíochtaí Ealaíon (AAR) a chomhlánú	25
5. An dóigh a ndéantar d'iarratas a phróiseáil	32
6. Cén chaoi a n-úsáideann an Chomhairle Ealaíon d'fhaisnéis agus cén chaoi a dtugann sí cosaint don fhaisnéis sin?	34

Cabhair a fháil maidir le d'iarratas

Ní mór duit d'iarratas a chur isteach ar shuíomh Seirbhísí ar Líne na Comhairle Ealaíon.

[An Chomhairle Ealaíon/The Arts Council Seirbhísí Ar Líne](#)

Má theastaíonn tacaíocht theicniúil uait agus iarratas á dhéanamh agat is féidir leat cuairt a thabhairt ar rannán na gCeisteanna Coitianta ar ár suíomh gréasáin:

<http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>

Is féidir teagmháil a dhéanamh leis an tseirbhís tacaíochta freisin:

Ríomhphost: onlineservices@artscouncil.ie

Guthán: 01 618 0200 nó 01 618 0243

Má tá ceist agat faoi d'iarratas nach bhfuil teicniúil agus a bhaineann le foirm ealaíne ar leith, is féidir leat teagmháil a dhéanamh leis an bhfoireann ealaíon a bhfuil iarratas ar mhaoiniú á chur faoina bráid agat:

<http://www.artscouncil.ie/ga/Teigh-i-dteagmhail-linn/Liostai-den-bhfoireann-agus-de-chomhairleoiri/>

Chun féachaint ar ár dtreoir maidir le hiarratas a dhéanamh, tabhair cuairt ar Youtube:

[How to download, complete and upload the application form](#)

1. Cad ba cheart a bheith ar eolas agat faoi Mhaoiniú Straitéiseach

Sa chuid seo insítear duit faoi Mhaoiniú Straitéiseach. Cuideoidh sé leat a chinneadh an gcáileoidh d'eagraíocht i gcomhair Maoiniú Straitéiseach nó nach gcáileoidh.

1.1 Cad is cuspóir le Maoiniú Straitéiseach?

Is é is cuspóir le Maoiniú Straitéiseach infheistíocht agus tacaíocht a thabhairt do na heagraíochtaí a theastaíonn chun na healaíona a chothú agus a fhorbairt in Éirinn agus ceannaireacht a dhéanamh orthu.

Ní mór dóibh siúd a fhaigheann Maoiniú Straitéiseach obair rithábhachtach a dhéanamh le go gcuirfí na tosaíochtaí beartais a shonraítear i straitéis deich mbliana na Comhairle Ealaíon, *Saothar Ealaíne Iontach a Tháirgeadh*, i gcrích.

1.2 Cad iad na haidhmeanna agus na cuspóirí a bhaineann le Maoiniú Straitéiseach?

Agus Maoiniú Straitéiseach á tairiscint aici, is mian leis an gComhairle Ealaíon an méid seo a leanas a chinntiú:

- Soláthar oibre ealaíne agus/nó imeachtaí, gníomhaíochtaí, seirbhísí den chéad scoth
- Deiseanna iontacha d'ealaíontóirí agus/nó gairmithe ealaíon chun a gcleachtas a fhorbairt agus/nó chun saothar ardchaighdeáin a chruthú nó dul i ngleic le saothar ardchaighdeáin.
- Léireofar éagsúlacht na hÉireann comhaimseartha san obair a dtacaímid léi
- Go mbainfidh níos mó daoine taitneamh as taithí ealaíon d'ardchaighdeán
- Go mbeidh rannpháirtíocht níos mó ag an bpobal agus leis an bpobal
- Go mbainfear caighdeáin shármhaitheasa amach maidir le rialachas agus bainistíocht sna healaíona.

1.3 Cé atá incháilithe don Chlár Maoinithe Straitéisigh?

Tá Maoiniú Straitéiseach oscailte d'eagraíochtaí amháin. Ní féidir leat níos mó ná iarratas amháin a dhéanamh gach bliain ar Mhaoiniú Straitéiseach.

Le bheith incháilithe le haghaidh maoiniú straitéiseach, ní mór do d'eagraíocht:

- A bheith bunaithe go foirmiúil mar Chuideachta faoi Theorainn Ráthaíochta nó mar Chuideachta Gníomhaíochta Ainmnithe (DAC), nó a bheith ina comhlacht reachtúil¹
- A hainm féin a úsáid san iarratas, agus ní ainm cuideachta nó duine eile

¹ Féadfaidh eagraíochtaí nach bhfuil bunaithe go foirmiúil mar CLG nó DAC iarratas a dhéanamh ar an tuiscint go ngabfaidh siad orthu féin corprú go foirmiúil ar an mbealach sin más rud é go n-éiríonn lena n-iarratas ar Mhaoiniú Straitéiseach.

- Rinneadh iarratas rathúil ar mhaoiniú ón gComhairle Ealaíon roimhe seo faoi ainm d'eagraíochta nó faoi ainm príomhdhuine atá rannpháirteach san eagraíocht.

1.4 Cé nach bhfuil incháilithe don Chlár Maoinithe Straitéisigh?

- Eagraíochtaí a chuir isteach ar mhaoiniú cheana féin trí Mhaoiniú Deontais do na hEalaíona 2025 nó Scéim Infheistíochta na bhFéilte 2025, ach amháin má thug an Chomhairle Ealaíon cead é sin a dhéanamh. Ní mór d'eagraíochtaí é seo a phlé leis an bhfoireann ealaíon ábhartha roimh ré.
- Comhaltaí de Chomhairle na nInstitiúidí Náisiúnta Cultúrtha (CNCI) atá maoinithe go díreach ag an Roinn Turasóireachta, Cultúir, Ealaíon, Gaeltachta, Spóirt agus Meán
- Is iarratasóir céaduaire thú agus níor phléigh tú d'iarratas roimh ré leis an bhfoireann ealaíon ábhartha.

1.5 Cén chaoi ar athraíodh an t-iarratas ar Mhaoiniú Straitéiseach?

Féadfaidh tú a roghnú níos mó sonraí a chur ar fáil maidir le d'fhís nó do straitéis níos fadtéarmaí san fhoirm iarratais chun comhthéacs a sholáthar do na tograí san iarratas seo — féach ceist 1.3.

1.6 Cad iad na gníomhaíochtaí a dtabharfar tacaíocht dóibh trí Mhaoiniú Straitéiseach?

Tá sé mar aidhm ag Maoiniú Straitéiseach tacú le (príomh)c(h)ostais oibriúcháin na n-eagraíochtaí agus leis na gníomhaíochtaí a dtugann d'eagraíocht fúthu.

Gach gníomhaíocht

Ní mór na gníomhaíochtaí go léir a chur san áireamh san iarratas seo, lena n-áirítear gníomhaíochtaí camchuarite in 2025.

Obair sa chomhthéacs idirnáisiúnta

Ní chuirimid tacaíocht ar fáil maidir le costais a bhaineann go díreach le camchuart agus scaipeadh saothair thar lear. Tá gníomhaíochtaí a bhfuil malartú, comhoibriú nó comhléiriú idirnáisiúnta mar chuid díobh incháilithe ar an gcoinníoll go léirítear go soiléir go rachaidh siad chun tairbhe an phobail, d'ealaíontóirí nó do na healaíona i bPoblacht na hÉireann agus go n-íocfaidh comhpháirtithe thar sáile cuid de na costais ábhartha a bhaineann leis an ngníomhaíocht.

1.7 Cén t-ábhar tacaíochta atá de dhíth chun iarratas a dhéanamh?

Ní mór duit ábhar tacaíochta riachtanach a uaslódáil mar chuid de d'iarratas faoin spriocdháta. Caithfear iad sin a chur isteach mar aon le d'fhoirm iarratais, agus ar leithligh uathí.

Mura gcuireann tú an t-ábhar tacaíochta riachtanach ar fad ar fáil, is féidir nach ndéanfar d'iarratas a mheasúnú.

Ábhair thacaíochta éigeantacha

Iarratasóirí atá ag fáil Maoiniú Straitéiseach faoi láthair

- Tuairisc ar Gníomhaíochtaí Ealaíon (A-AAR) chomhlánaithe le haghaidh 2023
- Na cuntais a bhfuil iniúchadh déanta orthu don bhliain airgeadais is déanaí

Má chuir tú an fhaisnéis thuas ar fáil don Chomhairle Ealaíon cheana féin, ní gá duit é sin a dhéanamh arís.

Gach iarratasóir

- Teimpléad um Thuairisc ar Gníomhaíochtaí Ealaíon (AAR) comhlánaithe, ina bhfuil
 - Gníomhaíochtaí do 2024 (bliain go dáta agus réamh-mheasta go dtí deireadh na bliana); **agus**
 - Gníomhaíochtaí atá beartaithe do 2025

Féach cuid **3.3** agus cuid **3.5** sna treoirínte seo chun tuilleadh eolais a fháil.

Is féidir Teimpléad AAR a íoslódáil ón leathanach maoinithe ar Sheirbhísí ar Líne.

- Cuntais bhainistíochta, san fhormaid chéanna:
 - 2024 réamh-mheasta go deireadh na bliana; **agus**
 - Cuntais réamh-mheasta do 2025.
- Do chuid gníomhaíochtaí atá beartaithe — sa bhreis ar an eolas sa teimpléad AAR:
 - Buiséid mhionsonraithe.

Is féidir ár dteimpléadan Buiséad Gníomhaíochta Aonair a úsáid chun na críche sin. Tá an teimpléad ar fáil ar an leathanach maidir le Maoiniú atá ar Fáil anseo: [Maoiniú Straitéiseach | The Arts Council | An Chomhairle Ealaíon](#)

Cásanna sonracha

Ní mór duit an t-ábhar seo a leanas a uaslódáil chun tacú le d'iarratas má tá tú tar éis tagairt a dhéanamh dóibh nó oibriú le grúpaí áirithe.

- Fianaise ó eagraíochtaí nó eintitis eile
 - maidir lehaon tacaíocht airgeadais dheimhnithe
 - Urraíocht
 - Comhpháirtíocht.
- Fianaise maidir le camchuirteanna, comhléiriúcháin nó gníomhaíochtaí eile a bhaineann le tríú páirtithe:
 - Aon mheabhráin tuisceana dheimhnithe
 - Comhaontuithe airgeadais
 - Comhaontuithe comhpháirtíochta.
- Ag obair le daoine leochaileacha:

- Dearbhú go gcloíonn tú leis an mbeartas agus na *Nósanna imeachta Náisiúnta um Chosaint Daoine Soghonta atá i mBaol Mí-úsáide* ([féach anseo](#)).
- Ag obair le hainmhithe:
 - Cóip den cháipéis *Beartais agus Nósanna Imeachta um Chosaint Ainmhithe* de do chuid.
- Ag obair le nó ag cur seirbhísí ar fáil do leanaí agus do dhaoine óga faoi bhun ocht mbliana déag d'aois:
 - Ní gá duit cáipéis bhreise a uaslódáil. Ní mór duit, áfach, beartais agus nósanna imeachta oiriúnacha um chosaint leanaí a bheith i bhfeidhm agat (cuid 4 den fhoirm iarratais).

Beartas agus pleananna

- Beartas aeráide
 - Ní cheanglaítear ort ag an tráth seo beartas aeráide agus plean gníomhaíochta a chur isteach le d'iarratas.

Mar sin féin, beidh ar eagraíochtaí a mbronnfar Maoiniú Straitéiseach do 2025 orthu beartas agus plean gníomhaíochta eagraíochtúil gníomhaithe ar son na haeráide (nó fianaise choibhéseach eile ar ghealltanais timpeallachta) a chur isteach mar choinníoll maoinithe ar shíniú a gcomhaontaithe maoinithe 2025 (cuid 2.5.5 den fhoirm iarratais).

Ach más rud é go bhfuil beartas aeráide agus plean gníomhaíochta i bhfeidhm agat, inis dúinn (Féach cuid 2.5.5 san fhoirm iarratais)

Nóta: Ní critéir é seo le haghaidh measúnú ar d'iarratas

2. An dóigh a ndéanaimid d'iarratas a mheasúnú agus a scóráil

Bunóimid ár measúnú ar d'iarratas ar na critéir seo a leanas:

1. Caighdeán ealaíonta agus forbairt na n-ealaíon
2. sínithe.
3. Cumas eagraíochta.
4. A ríthábhachtaí atá an eagraíocht don bhonneagar ealaíon.
5. Comhionannas, éagsúlacht agus ionchuimsitheacht

Breithneoidh measúnóirí na hiarratais trí úsáid a bhaint as a mbreithiúnas gairmiúil féin, bunaithe ar an bhfaisnéis a chuirfear ar fáil san iarratas, eolas ar obair d'eagraíochta roimhe seo, ar thírdhreach na n-ealaíon i gcoitinne, agus ar an gcomhthéacs iomaíoch ina ndéantar na hiarratais ar fad a mheasúnú.

Déanfar measúnú ar d'iarratas agus tabharfar scór duit i gcoinne na gcritéar.

2.1 Critéar 1: Caighdeán ealaíonta agus forbairt na n-ealaíon

Cuirfear san áireamh freisin comhthéacs na foirme ealaíne nó an chleachtais ealaíne do do thogra, Déanfaimid measúnú ar chuntas teiste na heagraíochta agus ar an gcaoi a bhféadfadh torthaí an togra na spriocanna seo a leanas a bhaint amach:

- Obair ealaíne agus/nó imeachtaí, gníomhaíochtaí, seirbhísí den chéad scoth **agus/nó**
- Deiseanna iontacha d'ealaíontóirí agus/nó gairmithe ealaíon chun a gcleachtas a fhorbairt agus/nó chun saothar ardchaighdeán a chruthú nó dul i ngleic le saothar ardchaighdeán.

2.2 Critéar 2: Rannpháirtíocht

I gcomhthéacs mheasúnú na n-iarratas le haghaidh maoinithe, beartaíonn an Chomhairle Ealaíon go gciallóidh an téarma 'Rannpháirtíocht' an caighdeán idirghníomhaithe a bhíonn ag d'eagraíocht leis na daoine aonair a mbíonn sí ag oibriú leo agus/nó an pobal ar a bhfreastalaíonn sí.

Tuigimid go n-oibríonn eagraíochtaí ealaíon ar bhealaí difriúla agus go bhfreastalaíonn siad ar na riachtanais a bhíonn ag cineálacha éagsúla pobal, rannpháirtithe agus comhoibrithe, lucht féachana, oibrithe deonacha agus ealaíontóirí nó cleachtóirí eile ealaíon. Mar gheall air sin, bunaithe ar an gcineál eagraíochta atá agat, déanfaimid measúnú ar d'iarratas agus an méid seo a leanas á chur san áireamh:

- Cuntas teiste sa rannpháirtíocht
- Na gníomhartha atá pleanáilte agus torthaí intomhaiste chun rannpháirtíocht a bhaint amach

- Áit a bhfuil leanaí agus daoine óga ar do spriocghrúpa príomha nó i measc na bpríomhghrúpaí ar a bhfreastalaítear, na deiseanna a chuireann tú ar fáil do leanaí le bheith rannpháirteach sna healaíona; agus an bealach a mbíonn leanaí rannpháirteach i do chinnteoireacht.

Déanfaimid measúnú freisin ar an gcaoi a bhfuil sé i gceist agat do ghníomhaíochtaí agus torthaí a mheas

Tá treoir bhreise maidir leis an gcuid rannpháirtíochta den fhoirm iarratais a chomhlánú ar fáil ar ár suíomh gréasáin ag <http://www.artscouncil.ie/ga/na-healaiona-in-eirinn/forbairt-straitéiseach/Rannphairtíocht-an-phobail/>

I gcás eagraíochtaí a bhfuil treoir á lorg acu faoi conas is féidir leo páirt a thabhairt do dhaoine óga ina gcinnteoireacht, d'fhéadfadh go mbeadh an creat ina chabhair dóibh: <https://hubnanog.ie/participation-framework/>

2.3 Critéar 3: Cumas eagraíochta

Leis an gcritéar seo, déanfaimid machnamh ar chuntas teiste d'eagraíochta agus ar an gcaoi a bhféadfá ardchaighdeán a bhaint amach maidir le rialachas agus bainistíocht.

Déanfaimid measúnú ar an méid seo a leanas:

- Oiriúnacht agus riar scileanna do bhoird agus do lucht bainistíochta
- Acmhainneacht airgeadais na heagraíochta, lena n-áirítear rialuithe airgeadais, pleanáil agus forbairtí atá beartaithe le haghaidh 2025
- Do chur chuige maidir le tiomsú airgid agus ioncam a ghiniúint ó fhoinsí eile
- An fhaisnéis airgeadais a chuirtear ar fáil
- Caighdeán agus buntáistí aon chomhpháirtíochtaí a thacaíonn le seachadadh gníomhaíochtaí
- Do chur chuige chun pá cóir agus coinníollacha córa a chinntiú d'ealaíontóirí.

2.4 Critéar 4: A ríthábhachtaí is atá an eagraíocht don bhonneagar ealaíon

Déanfaimid measúnú ar iarratasóirí ansin bunaithe ar a ríthábhachtaí atá siad, dar linn, d'fhorbairt straitéiseach na n-ealaíon ina bhfoirm ealaíne nó ina gcleachtas ealaíon ar leith.

Beidh na breithnithe seo a leanas mar bhonn eolais ag an measúnú sin:

- Comhthéacs na foirme ealaíne nó an chleachtais ealaíon ina bhfuil d'eagraíocht ag feidhmiú
- An cineál eagraíochta atá agat
- An cineál oibre a dhéanann d'eagraíocht;
- An pobal nó na daoine ar a bhfreastalaíonn d'eagraíocht
- An comhthéacs áitiúil agus/nó náisiúnta ina bhfuil d'eagraíocht ag feidhmiú

- An gá atá ann a chinntiú go dtacaíonn clár Maoinithe Straitéisigh na Comhairle Ealaíon le raon agus cothromaíocht chuí oibre.

Cuirfear bonn eolais faoi sin le *Saothar Ealaíne Iontach a Tháirgeadh*, agus le beartais i dtaobh foirm ealaíne, cleachtas ealaíon agus beartais chorporáideacha.

2.5 Critéar 5: Comhionannas, éagsúlacht agus ionchuimsitheacht

Déanfaimid measúnú agus breithniú ar an méid a léiríonn d'iarratas go bhfuil céimeanna dearfacha á nglacadh agat i réimsí an chomhionannais, na héagsúlachta agus an ionchuimsithe (CÉI).

Déanfaimid machnamh ar:

- An méid a léiríonn d'iarratas feasacht agus tuiscint ar shaincheisteanna CÉI (e.g. neamhionannas a aithníodh, easpa ionadaíochta, easpa rochtana) agus conas a bhaineann na saincheisteanna sin le d'eagraíocht agus an obair a dhéanann sibh
- Cáilíocht agus oiriúnacht aon ghníomhaíocht agus tiomantas beartaithe a ndéantar cur síos air chun tacú le d'eagraíocht a bheith níos ionchuimsithí
- Má tá na hacmhainní a leithdháiltear ar aon ghníomhaíocht bheartaithe ábhartha cuí
- Má aithníodh soláthar áirithe chun rochtain ar sheirbhísí a áirithiú²
- Má tá fianaise ar úinéireacht agus tiomantas ón mbord (nó a chomhionann) maidir le do phleananna CÉI
- An méid a léiríonn an t-iarratas rochtain ar an saineolas, léargas nó tacaíocht phiaraí chuí chun aon bheartas beartaithe a fhorbairt nó gníomhaíochtaí beartaithe a sheachadadh
- Aon rannchuidiú sonracha a dhéanann an eagraíocht leis an éiceolaíocht níos leithne maidir le huaimhianta na Comhairle Ealaíon don éagsúlacht, comhionannas agus ionchuimsitheacht.
- Beimid ag súil le fianaise a fheiceáil ar thiomantas maidir le dhá sprioc EDI ar a laghad i d'iarratas. Ba cheart go mbainfidís sin le tosaíochtaí d'eagraíochta agus molaimid go ndíríonn tú ar sprioc amháin a dhíríonn ar an eagraíocht go himmheánach (e.g. forbairt foirne, boird, nó oibríthe deonacha) agus ar cheann amháin a dhíríonn ar nithe seachtracha (e.g. forbairt luchtanna féachana/éisteachta nó comhpháirtíochta). Cinntigh le do thoil go soláthraíonn tú an fhianaise seo nó cinnfear do scór de réir an méid atá san áireamh i d'iarratas.

Faoi 2025, ba cheart go mbeadh plean gníomhaíochta CÉI ag na heagraíochtaí atá á Maoiniú go Straitéiseach, plean a mbeadh rochtain ag an bpobal air agus a thacóidh lena mbeartais CÉI foilsithe.

² Mar shampla, d'fhéadfaí smaointí nó bearta sonracha maidir le rochtain fhisiciúil le haghaidh ealaíontóirí in ionaid tionóil, ag imeachtaí, etc. nó suíomhanna gréasáin, cláir, fotheidil inrochtana nó Teanga Chomharthaíochta na hÉireann le haghaidh luchtanna féachana a áireamh ann.

Tabhair faoi deara: mura bhfuil plean gníomhaíochta CÉI agat atá foilsithe agus atá ar fáil don phobal, bíodh an méid seo a leanas ar eolas agat:

- Beidh sé mar choinníoll de do mhaoiniú é seo a chur i bhfeidhm faoin 30 Meitheamh 2025
- Má thairgtear Maoiniú Straitéiseach duit den chéad uair in 2025, beidh ort plean beartais agus gníomhaíochta a bheith i bhfeidhm agat faoin 30 Meitheamh 2025.

Sraith Straitéisí i gcomhair Comhionannais, Éagsúlachta agus Ionchuisitheachta | An Chomhairle Ealaíon

Costais rochtana

Déanfaidh an Chomhairle Ealaíon costais rochtana bhreise a bhaineann le bheith ag tacú le healaíontóirí atá faoi mhíchumas.

Costais rochtana d'ealaíontóirí nó rannpháirtithe³ faoi mhíchumas

Tá an Chomhairle Ealaíon tiomanta dár gcláir mhaoinithe agus an obair a mhaoinímid a dhéanamh inrochtana do chách.

Tógann an Chomhairle Ealaíon an cur síos ar mhíchumas ó Airteagal 1 de Choinbhinsiún na Náisiún Aontaithe ar Chearta Daoine faoi Mhíchumas, ina sonraítear:

‘Áirítear i measc daoine faoi mhíchumas na daoine sin ar a bhfuil mallachair fhadtéarmacha de chineál fisiciúil, meabhrach, intleachtúil nó céadfach ar mallachair iad, nuair a nasctar iad le nithe eile, a d’fhéadfadh a bheith ina gcúis le cosc ar pháirteachas iomlán éifeachtach sa tsochaí ar an mbonn céanna le daoine eile.’

Is féidir leat costais rochtana a chur san áireamh laistigh de d'iarratas agus tá dhá chineál ann ar féidir leat iarratas a dhéanamh orthu.

1. Costais rannpháirtí nó rochtana phearsanta

Ba cheart go mbainfeadh na costais seo bacainní d'ealaíontóirí nó do rannpháirtithe faoi mhíchumas atá ag seachadadh do thogra – e.g.

- Príomhfhoireann nó príomhphearsanra riaracháin

³ Tugann an Chomhairle Ealaíon sainmhíniú ar rannpháirtithe mar iad siúd a chuireann iad féin in iúl go cruthaitheach trí pháirt a ghlacadh i ngníomhaíochtaí ealaíonta.

- Na príomhealaíontóirí, daoine aonair, grúpaí nó eagraíochtaí a bhfuil baint acu le do thogra
- Comhpháirtithe nó comhoibrithe
- Foireann léiriúcháin.

Seo a leanas samplaí de thacaíocht, ach gan a bheith teoranta dóibh:

- Ateangaire Theanga Chomharthaíochta na hÉireann
- Seirbhísí oibrí tacaíochta rochtana.

2. Costais a bhaineann le do chuid oibre a dhéanamh insroichte do dhaoine eile – costais a bhaineann le rochtain an phobail

Táimid ag iarraidh a chinntiú go mbainfidh tuilleadh daoine sásamh as eispéiris ealaíon ar ardchaighdeán agus gur féidir le gach duine rochtain a fháil ar, agus sásamh a bhaint as an obair a mhaoinímid.

Is costais iad seo chun do chuid oibre a dhéanamh insroichte do dhaoine faoi mhíchumas agus ba cheart iad a mheas mar ghnáthchuid de do chuid oibre.

Sampla de chostais rochtana chun do chuid oibre a dhéanamh insroichte do lucht féachana is ea:

- Ateangaire TCÉ le haghaidh d'imeacht nó le haghaidh do thaibhithe
- Úsáid a bhaint as seirbhís tráchttaireachta fuaime
- Do shuíomh gréasáin a chur in oiriúint do léitheoirí scáileáin
- Ábhair thaispeántais a chruthú i bhformáidí eile amhail braille nó fuaim.

Tabhair faoi deara: Mínigh conas a dhéanann tú do chuid oibre insroichte i gcuid 2.7 den fhoirm iarratais — Critéar 5: Comhionannas, éagsúlacht agus ionchuimsitheacht

Cad a tharlóidh má tá an maoiniú a chuirtear ar fáil níos lú ná an méid a d'iarr mé?

Má thairgtear maoiniú duit atá níos lú ná an méid a d'iarr tú, pléifimid leat conas a bheartaíonn tú do ghníomhaíocht bheartaithe a sheachadadh agus athbhreithniú á dhéanamh agat ar an mbuiséad athbhreithnithe.

Nílimid ag súil go ndéanfaidh tú aon tacaíocht rochtana a laghdú nó a bhaint chun do chuid oibre a dhéanamh insroichte do dhaoine eile a chuir tú san áireamh i d'iarratas.

Conas iarratas a dhéanamh ar chostais rochtana

Ní mór dúinn tuiscint a fháil ar an bhfáth a bhfuil tú ag cur isteach ar chostais rochtana agus ar an gcaoi a gcomhlíonann siad riachtanais do rannpháirtithe nó do lucht féachana.

Má chuireann tú costais rochtana san áireamh i do thogra, ní mór duit

- na costais a thaispeáint i línte ar leith laistigh de do bhuiséad, mar a léirítear i dteimpléid bhuiséid de chuid na Comhairle Ealaíon, atá ar fáil ar an leathanach

maoinithe

- cáipéis ghairid a uaslódáil ina leagtar amach na riachtanais rochtana agus na costais a bhaineann leo
- Cuir figiúr na gcostas rochtana san áireamh sa mhéid iomlán atá á iarraidh.

Tabhair faoi deara: cibé acu an úsáideann tú teimpléid bhuiséad na Comhairle Ealaíon nó do cháipéis bhuiséid féin, ní mór an dá chineál costas rochtana a thaispeáint ar leithligh laistigh de do bhuiséad.

2.6 Camchuartheanna

Ní mór gach gníomhaíocht, lena n-áirítear camchuart i rith 2025, a chur san áireamh san iarratas seo.

- **Ní féidir** leat iarratas ar leithligh a dhéanamh ar an Scéim Camchuartheanna Saothair don bhliain 2025
- **Is féidir** leat iarratas a dhéanamh ar an Scéim Camchuartheanna Saothair – Réamhphleanáil le haghaidh camchuartheanna a bheidh ar siúl in 2026.

Má éiríonn le d'iarratas ar ghníomhaíocht chamchuarthe, iarrfar ort meabhráin tuisceana sínithe agus buiséid mhionsonraithe a sholáthar freisin lena fhíorú go bhfuil an chamchuart ar siúl sula scaoilfear leis an sciar sin den mhaoiniú a chuirtear ar fáil.

- Tabhair forbhreathnú ar do chuid pleananna camchuarthe ar an bhfoirm iarratais, agus na gníomhaíochtaí sin a liostú ar leithligh mar aon leis na costais ar an teimpléad AAR
- Cuir san áireamh aon fhianaise cháipéisíochta atá agat chun tacú le do pleananna camchuarthe mar chuid de d'ábhair tacaíochta.

2.7 Conas a chinntear na scóir?

Bainfidh an Chomhairle Ealaíon leas as córas scórála le haghaidh iarratas ar Mhaoiniú Straitéiseach i gcomhar 2025. Is féidir leis an gcóras seo cabhrú leat tuisceant a fháil ar an gcaoi a ndearnadh an t-iarratas a mheasúnú i gcoinne na gcritéar measúnaithe. Léiríonn na scóir a mhéid a cheaptar gur chomhlíon d'iarratas gach critéar. Féadfaidh na measúnóirí scór a bhronnadh go dtí an 0.5 is gaire.

Tá aon scór déag féideartha a d'fhéadfaí a úsáid. Seo a leanas iad:

Scór uimhriúil	Cur síos	Míniú
6.0	Go hlontach	Pléitear gach gné ábhartha den chritéar go cuimsitheach agus go sármhaith san iarratas.
5.5		Ag barr 'Sármhaith'.
5.0	Sármhaith	Pléitear gach gné ábhartha den chritéar go háititheach

		agus go rathúil san iarratas. Níl buarthaí ná réimse laige ar bith ann.
4.5		Ag barr “Go hAn-Mhaith”.
4.0	Go hAn-Mhaith	Pléitear na critéir go han-mhaith san iarratas. Tá buarthaí agus réimsí laige ar bith fánach.
3.5		Ag barr ‘Go Maith’.
3.0	Go maith	Pléitear cuid mhaith de na critéir go maith san iarratas ar an iomlán, ach tá roinnt bearnaí ann.
2.5		Idir “Maith go Leor” agus “Go Maith”
2.0	Maith go leor	Pléitear na critéir ar bhonn bunúsach, ach tá réimsí ann ina bhfuil sonraí in easnamh nó ina bhfuil an fhaisnéis doiléir.
1.5	Dona go leor	Níor cuireadh dóthain faisnéise mionsonraithe ar fáil san iarratas le bheith in ann measúnú a dhéanamh de réir na gcritéar.
1.0	Go dona	Ní leor an fhaisnéis a cuireadh ar fáil le bheith in ann measúnú a dhéanamh ar an iarratas i gcoinne na gcritéar.

Tabhair faoi deara: Seans **nach** molfar iarratas i gcomhair maoiniú má fhaightear **1.5** nó níos ísle in aghaidh **aon** chritéir.

Déanfar an scór a bhronntar faoi gach critéar a iolrú ar mhaithe le rátáil chéatadán a fháil, sa bhealach seo a leanas:

	Ualú	Céatadán
Caighdeán ealaíonta agus forbairt	(4.167)	25.0%
Rannpháirtíocht	(4.167)	25.0%
Cumas eagraíochta	(3.333)	20.0%
Ríthábhachtach don bhonneagar	(3.333)	20.0%
Comhionannas, éagsúlacht agus ionchuimsitheacht	(1.667)	10.0%
Iomlán		100.0%

Seo léiriú den chuma a bheadh ar thacar iomlán de scóir i dtéarmaí céatadán:

	Scór	Ualú	Céatadán %
--	-------------	-------------	-------------------

Caighdeán ealaíonta agus forbairt	5.5	(4.167)	22.9%
Rannpháirtíocht	4.5	(4.167)	18.8%
Cumas eagraíochta	5.0	(3.333)	16.7%
Ríthábhachtach don bhonneagar	4.0	(3.333)	13.3%
Comhionannas, éagsúlacht agus ionchuimsitheacht	4.5	(1.667)	7.5%
Iomlán	23.5		79.2%

2.8 An bhaint atá ag scóir le tairiscintí maoinithe

Cé go mbeidh ról suntasach ag scóir maidir le tairiscintí a dhéanamh, ní hiad an t-aon toisc amháin iad. Tiocfaidh méideanna an mhaoinithe a bhronnfar leis an mbuiséad foriomlán atá ar fáil, i gcomhar leis na critéir mar atá mínithe sa chuid seo.

Mar chuid dár bpróiseas leanúnach bainistíochta caidrimh, úsáidfear scóir chun bonn eolais a chur faoi phlé le heagraíochtaí maidir le réimsí ina bhfuil siad ag déanamh go maith agus réimsí a bhféadfaí feabhsuithe a chur orthu.

2.9 Cad a tharlóidh tar éis duit maoiniú a fháil

Tá leibhéil éagsúla de riachtanais tuairiscithe leagtha amach inár gCoinníollacha maidir le Cúnamh Airgeadais. Tá siad bunaithe ar an méid maoinithe atá á thairiscint agus ar láimhdeachas d'eagraíochta.

Má bhronntar Maoiniú Straitéiseach ar d'eagraíocht, beidh ort riachtanais mhonatóireachta a chomhlíonadh freisin de réir thosaíochtaí straitéiseacha na Comhairle Ealaíon maidir le forbairt ealaíontóirí agus foirm ealaíne, lucht féachana agus éisteachta, rannpháirtíocht an phobail agus samhail oibriúcháin.

Má éiríonn le d'iarratas, cuirfear na riachtanais tuairiscithe sin san áireamh mar chuid de do chomhaontú maoinithe a sheolfar chugat. Beidh oraibh comhaontú leo sin sula bhfaighidh tú do mhaoiniú.

3. An bealach chun d'iarratas a dhéanamh

Is é an spriocdháta i gcomhair
na n-iarratas

5.30i.n., Déardaoin an 5 Meán Fómhair 2024

Tá **ceithre chuid** i d'iarratas ar Mhaoiniú Straitéiseach:

- **Achoimre** ar d'eagraíocht agus ar d'airgead, a chomhlánóidh tú ar líne trí úsáid a bhaint as suíomh gréasáin ár Seirbhísí ar Líne
- **D'fhoirm iarratais**, a chomhlánóidh tú as líne (ar do ríomhaire féin) agus a uaslódálfaidh tú trí úsáid a bhaint as Seirbhísí ar Líne
- Do **theimpléad AAR**, a chomhlánóidh tú as líne agus a uaslódálfaidh tú trí úsáid a bhaint as Seirbhísí ar Líne
- **Ábhar tacaíochta**, a bhailíonn tú i bhformáid leictreonach as líne agus a uaslódálfaidh tú trí úsáid a bhaint as Seirbhísí ar Líne. Féach ar chuid **1.7 Cén t-ábhar tacaíochta atá de dhíth chun iarratas a dhéanamh?** (thuas).

3.1 Cabhair a fháil maidir le d'iarratas

- Má tá ceisteanna agat faoi shuíomh gréasáin na Seirbhísí ar Líne a úsáid, tabhair cuairt ar rannán na gCeisteanna Coitianta ar ár suíomh gréasáin:
<http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>
- Má tá ceist theicniúil agat faoi shuíomh gréasáin na Seirbhísí ar Líne a úsáid agus nach bhfuil freagra ar do cheist i rannán na gCeisteanna Coitianta, is féidir leat ríomhphost a sheoladh chuig onlineservices@artscouncil.ie.
- Má tá ceist ghinearálta agat is féidir leat gaoch ar an gComhairle Ealaíon ag 01 618 0200/01 6180243 nó ríomhphost a sheoladh chuig awards@artscouncil.ie
- Má tá tú faoi mhíchumas agus má tá deacracht agat suíomh gréasáin na Seirbhísí ar Líne a rochtain nó a úsáid, déan teagmháil le Vanessa Carswell, Oifigeach Rochtana na Comhairle Ealaíon, ar an nguthán.
(01- 618 0200/087 169 1155) nó le ríomhphost (access@artscouncil.ie) le deis a thabhairt dúinn tacaíocht a eagrú.

3.2 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; **ní** ghlacfar le hiarratais a dhéanfar ar bhealach ar bith eile (tríd an bpost, ar fhacs nó ar an ríomhphost).

Ní mór duit cuntas Seirbhísí ar Líne a bheith agat chun iarratas a dhéanamh ar mhaoiniú. Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo:

<https://onlineservices.artscouncil.ie/register.aspx?&lang=gd-ge>.

Laistigh de cúig lá oibre gheobhaidh tú ríomhphost ina mbeidh do ARN (Uimhir Thagartha Ealaíontóra) uathúil agus pasfhocal a bheidh tú in ann a úsáid chun logáil isteach ar na Seirbhísí ar Líne.

Riachtanais maidir leis na Seirbhísí ar Líne a úsáid

Tabhair faoi deara: caithfidh tú ríomhaire/ríomhaire glúine a úsáid chun d'iarratas a chur isteach. Ní oibríonn ár láithreán gréasáin Seirbhísí ar Líne ar fhóin ná ar tháibléid.

Ní mór do do ríomhaire agus don bhrabhsálaí idirlín na riachtanais seo a leanas a chomhlíonadh ionas go n-oibreoidh na Seirbhísí ar Líne duit:

Ríomhaire	<ul style="list-style-type: none"> • Córas oibriúcháin Windows 7 nó leagan níos déanaí de Windows • Oibreoidh OLS leis na leaganacha is déanaí de gach brabhsálaí – e.g.. Microsoft Edge, Google Chrome, Safari, Mozilla Firefox
Mac	<p>Mac OS X v10.5 Leopard nó leagan níos déanaí de chóras oibriúcháin Mac</p> <p>Oibreoidh OLS leis na leaganacha is déanaí de gach brabhsálaí – e.g.. Microsoft Edge, Google Chrome, Safari, Mozilla Firefox</p>

Tabhair faoi deara: ní mór go mbeidh Microsoft Word (Deasc) nó OpenOffice Writer suiteáilte freisin chun an fhoirm iarratais féin a chomhlánú. Bogearra saor in aisce é OpenOffice Writer ar féidir a íoslódáil ó <https://www.openoffice.org>.

Úsáideoirí OpenOffice

Féach ar ár bhfíseán *Using OpenOffice to download, complete and upload the application form* ag <https://www.youtube.com/watch?v=iT9XxgmgoEo>.

Ní mór duit OpenOffice Writer leagan 4.0.1 nó níos luaithe a úsáid. Nuair a úsáidtear leaganacha níos déanaí ná 4.0.1 de OpenOffice Writer athraíonn an chaoi a bhfeictear ár bhfoirmeacha iarratais nuair a chuirtear isteach trí Sheirbhísí ar Líne iad.

Nótaí tábhachtacha d'úsáideoirí Apple Mac

- Tabhair faoi deara an chuid san fhíseán YouTube (ag 1 nóim. 20, tá an nasc ar fáil thuas) ina bpléitear leis an bhfadhb leagan 4.0.1 a íoslódáil ar ríomhairí Mac ar a mbeadh an córas oibriúcháin Mac OS Mojave nó leagan níos luaithe suiteáilte.
- Ní féidir OpenOffice 4.0.1 a íoslódáil ar Mac ar a bhfuil an córas oibriúcháin MAC OS Catalina. Má tá an córas oibriúcháin seo nó leagan níos déanaí de suiteáilte ar do Mac, beidh ort leagan 4.1.10 de OpenOffice, nó leagan níos nuá de, a íoslódáil agus a úsáid.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteagmháil linn le comhairle a fháil chomh luath agus is féidir leat roimh an spríodhata.

Fág do dhóthain ama agat féin chun an t-iarratas a chomhlánú

Téigh i dtaithí ar shuíomh gréasáin na Seirbhísí ar Líne **tamall maith** roimh an spríodhata agus sula dtosaíonn tú ag ullmhú d'iarratais.

Cinntigh go mbeidh go leor ama agat chun d'iarratas a uaslódáil. Ná dearmad go bhféadfadh an t-am uaslódála bheith i bhfad níos faide ná an t-am íoslódála; mar sin d'fhéadfadh sé go dtógfadh sé níos mó ama ná mar a cheapann tú d'ábhar tacaíochta a uaslódáil.

Tacaíocht theicniúil

Má bhíonn tacaíocht theicniúil uait agus iarratas ar líne á dhéanamh agat, déan teagmháil linn.

- Ríomhphost: onlineservices@artscouncil.ie
- Guthán: 01 618 0200/01 6180243

Tabhair uimhir ghutháin agus déan cinnte go bhfuil tú ar fáil chun glaoh uainn a fhreagairt.

Déileáilimid le fiosruithe ar bhonn tús freastail ar an gceann is túsce. Molaimid duit aon deacrachtaí teicniúla a thuirisciú dúinn **tamall maith roimh** an spriocdháta.

Cuimhnigh go ndéantar anrud glaonna ag druidim leis an spriocdháta. B'fhéidir nach réiteofaí glaonna i dtaobh tacaíocht theicniúil a gheofar tar éis **2.00pm** ar an dáta deiridh roimh an spriocdháta.

3.3 Íoslódáil an fhoirm iarratais agus an teimpléad AAR

1. Logáil isteach ar Sheirbhísí ar Líne.
2. Ar do leathanach baile, cliceáil ar an gcnaipe '**Déan iarratas**'.
3. Ar an scáileán 'Déan d'iarratas', roghnaigh príomhtheagmhálaí d'eagraíochta don iarratas seo agus cliceáil **Ar aghaidh**. Ba cheart go dtaispeánfaí an scáileán '1. Déan iarratas: Roghnaigh clár maoinithe'.
4. I gcuid A, déan dhá rud.
 - a. Ón liosta aníos 'Maoiniú', roghnaigh do chlár maoinithe.
 - b. Sa réimse 'Do thagairt', clóscríobh tagairt uathúil le haghaidh d'iarratais. Cuideoidh sin leat d'iarratas a aithint ar do leathanach baile.
5. I gcuid B, cliceáil na cnaipí chun na nótaí treorach, an fhoirm iarratais agus an teimpléad AAR a rochtain.

Sula leanann tú leis an iarratas a dhéanamh ar líne:

- Líon isteach d'fhoirm iarratais
- Líon isteach do theimpléad AAR
- Ullmhaigh agus bailigh d'ábhar tacaíochta ar do ríomhaire.

Cuimhnigh, comhlánóidh tú an fhoirm iarratais agus an teimpléad AAR ar do ríomhaire agus ansin uaslódáilfidh tú iad in éineacht le d'ábhar tacaíochta trí na Seirbhísí ar Líne.

Chun d'fhoirm iarratais agus do theimpléad AAR a chomhlánú, **caithfidh** na bogearraí cearta a bheith agat.

- Microsoft Word (Ríomhaire Deisce) agus Microsoft Excel **nó**
- OpenOffice Writer agus OpenOffice Calc; is féidir iad sin a íoslódáil ar <http://www.openoffice.org>

3.4 Líon isteach an fhoirm iarratais

Nóta maidir le huasmhéid carachtar/focal: beidh na freagraí a thabharfaidh tú ar gach ceist faoi réir uasmhéid carachtar/focal (spásanna san áireamh), agus tugtar líon focal garbh mar threoir. Tá sé inghlactha freagraí níos lú ná an t-uasmhéid a scríobh má chuir tú na pointí is gá sa fhreagra.

Cuimsigh an fhaisnéis atá liostaithe anseo i d'iarratas.

Cuid	An fhaisnéis nach mór duit a chuimsiú
1. D'eagraíocht	<p>Sa chuid seo, cuir sonraí ar fáil maidir le:</p> <ul style="list-style-type: none"> • Ainm agus ARN na heagraíochta • Cineál eagraíochta • Stádas dlíthiúil • An príomhréimse foirm ealaíne nó cleachtas ealaíon lena mbaineann d'obair • An spriocghrúpa príomha a bhaineann le hobair d'eagraíochta • Achoimre ar mhisean agus ar bheartas ealaíonta d'eagraíochta.
2. D'iarratas agus na critéir mheasúnaithe	<p>Iarrtar ort sa chuid seo freagairt do na critéir mheasúnaithe trí fhreagra a thabhairt ar shraith ceisteanna. Is ríthábhachtach gach ceist a léamh go cúramach.</p> <p>Leagtar an rannán seo amach de réir an oird ina gcuirtear na critéir mheasúnaithe i bhfeidhm.</p> <p>Tabhair faoi deara: tabharfaidh tú sonraí maidir le do chlár beartaithe laistigh den theimpléad um Thuairisc ar Ghníomhaíochtaí Ealaíon.</p>
3. Faisnéis airgeadais agus faisnéis eile	<p>Cuirfidh tú faisnéis mhionsonraithe airgeadais ar fáil sa teimpléad AAR agus i d'ábhar tacaíochta, agus ní ar an bhfoirm iarratais.</p> <p>Féach freisin ar an gcuid ar 'Ábhar Tacaíochta Éigeantach'.</p> <p>Lena chois sin, i dtrí chás, beidh ort cuid 3 den fhoirm</p>

iarratais a chomhlánú freisin.

Má tá tú ag súil le barrachas nó easnamh ag deireadh na bliana reatha, ní mór duit míniú a thabhairt ar an dóigh a bhfuil sé beartaithe agat déileáil leis.

Má tá tú ag súil le go mbeidh costais eisceachtúla nó foinsí eisceachtúla maoinithe ar bith ann le linn an dá mhí dhéag idir an 1 Eanáir agus an 31 Nollaig 2024, beidh ort sonraí a thabhairt fúthu.

- Má tá méadú ar mhaoiniú á lorg agat le haghaidh 2024, ní mór duit réasúnaíocht agus achoimre ar an ngníomhaíocht agus aon torthaí gaolmhara a sholáthar. Má tá an t-iarratas nasctha le costas aonuaire, léirigh é sin go soiléir mar chuid de do ráiteas agus cinntigh go ndéantar cur síos ar an ngníomhaíocht mar ghníomhaíocht ar leith sa AAR.

Breithneofar do scéal i gcomhthéacs na gcúig chritéar measúnaithe, mar aon leis an bhfaisnéis eile a chuir tú ar fáil mar chuid d'iarratas.

4. Dearbhú

Bain úsáid as an gcuid seo chun d'iarratas ar mhaoiniú na Comhairle Ealaíon a dhearbhu go foirmiúil. Ní mór go mbeadh an dearbhú sínithe ag cathaoirleach bhord stiúrthóirí nó bhord rialaithe na heagraíochta; agus an t-oifigeach feidhmiúcháin is sinsearaí nó ag an dara comhalta coiste.

5. Cáipéisí tacaíochta

Is seicliosta é seo a chuirtear ar fáil le cinntiú gur chuir tú gach ceann de na cáipéisí tacaíochta is gá chun iarratas a dhéanamh isteach.

3.5 Comhlánaigh do theimpléad um thuairisc ar ghníomhaíochtaí ealaíon (AAR)

Féach ar chuid 4 **Conas teimpléad um Thuairisc ar Ghníomhaíochtaí Ealaíon (AAR) a chomhlánú** (thíos).

3.6 Ullmhaigh aon ábhar tacaíochta atá riachtanach don iarratas

Féach ar chuid 1.7 **Cén t-ábhar tacaíochta atá de dhíth chun iarratas a dhéanamh?** (thuas).

Ní mór duit ábhar tacaíochta a uaslódáil le d'iarratas agus do thuairisc airgeadais. Mura n-uaslódálann tú ábhar tacaíochta, beidh d'iarratas neamhiomlán agus ní féidir linn measúnú a dhéanamh air.

Má tá ábhar tacaíochta agat nach bhfuil i bhformáid leictreonach, ba cheart duit é a scanadh le go mbeidh tú ábalta é a uaslódáil.

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

Na formáidí comhaid a nglactar leo

Is iad seo a leanas na formáidí comhaid a nglactar leo le haghaidh d'ábhair thacaíochta.

Cineál comhaid	Iarmhír comhadainm
téacschomhaid	rtf, doc, docx, txt
comhaid íomhá	jpg, gif, tiff, png
comhaid fuaimne	wav, mp3, m4a
comhaid físe	avi, mov, mp4
scarbhileoga	xls, xlsx
Comhaid Adobe Acrobat Reader	pdf

Tabhair faoi deara: má tá d'fhoirm iarratais curtha i gcrích agat mar chomhad **.docx**, agus má tá tú muiníneach go bhfuil d'fhoirm iarratais comhlánaithe i gceart agat (lena n-áirítear clóscríobh laistigh de na réimsí liatha) ach go léiríonn na seirbhísí ar líne teachtaireacht a deir nach féidir an fhoirm a uaslódáil, déan iarracht í a shábháil mar chomhad **.doc** agus í a uaslódáil arís.

Naisc URL a chur isteach

Tabhair faoi deara: is féidir úsáid a bhaint as naisc chuig ardáin sruthaithe le samplaí de shaothar a thabhairt. Ní mór ábhar tacaíochta neamhspleách amhail CVanna agus litreacha tacaíochta srl. a uaslódáil mar dhoiciméid aonair le d'iarratas.

In áit d'ábhar a uaslódáil go díreach, féadfaidh tú naisc a chur ar fáil chuig ábhar atá á óstáil ar ardáin sruthaithe **nach gcuireann teorainn ar rochtain trí shíntiús airgeadais**. Chun é sin a dhéanamh, cóipeáil an URL (seoladh iomlán an tsuímh ar a bhfuil d'ábhar á óstáil) isteach i gcáipéis Microsoft Word (Deisce) nó OpenOffice Writer nó doiciméad PDF agus uaslódáil é mar cháipéis tacaíochta ina bhfuil nasc gréasáin.

Is samplaí áirithe d'ardáin chomhroinnte inghlactha iad, ach gan a bheith teoranta dóibh, YouTube, Vimeo, SoundCloud agus Bandcamp.

Ná marcáil d'ábhar mar 'príobháideach' mar nach mbeidh sé ar fáil lena mheasúnú. Athraigh na socruithe ar d'fhíseán go 'neamhliostaithe' más rud é nár mhaith leat go mbeadh an pobal in ann féachaint ar ábhar tacaíochta an iarratais ar do chainéal YouTube.

Tabhair faoi deara nach nglacfaimid le naisc chuig na foinsí seo a leanas:

- Suíomhanna comhroinnte comhad – e.g. Google Drive, OneDrive

- Ardáin na meán sóisialta – e.g. Meta, Instagram
- Do shuíomh gréasáin pearsanta féin

Tabhair faoi deara: Tá sé tábhachtach go ndéanfaidh tú cinnte go n-oibríonn gach nasc sa doiciméad **agus** go dtugann na naisc an breathnóir chuig an bhfoinse cheart ionas go mbeidh an breathnóir in ann rochtain a fháil ar d'ábhar agus breathnú air.

3.7 Iarratas a dhéanamh ar líne

Agus foirm iarratais chomhlánaithe, teimpléad AAR agus ábhar tacaíochta agat anois, is féidir leat d'iarratas ar líne a chríochnú.

- Logáil isteach ar Sheirbhísí ar Líne.
- Ar do leathanach baile, roghnaigh an táb **M'Iarratais** agus roghnaigh an t-iarratas ar Mhaoiniú Straitéiseach atá cruthaithe agat cheana.

- **Scáileán 1**

Clliceáil **Ar Aghaidh**.

- **Scáileán 2 Iarratas a dhéanamh: Iarr méid an mhaoinithe.**

- Cuir isteach d'fhaisnéis airgeadais achomair ar an scáileán seo. Tá an t-eolas seo i do theimpléad AAR.

I gcuid A, déan é seo a leanas agus clliceáil **Sábháil dréacht**.

Réimse	Gníomh
An méid atá á iarraidh	Cuir isteach an méid maoinithe atá á iarraidh agat don tréimhse 1 Eanáir-31 Nollaig 2025. Níor mhór go mbeadh sé seo ag teacht leis an bhfigiúr sa dara bileog oibre i do theimpléad AAR: AN MÉID ATÁ Á IARRAIDH AR AN gCOMHAIRLE EALAÍON, 2025
Ioncam iomlán	Cuir isteach d'ioncam iomlán measta don tréimhse 1 Eanáir-31 Nollaig 2025, gan an méid atá á iarraidh ar an gComhairle Ealaíon san áireamh.
Caiteachas iomlán	Cuir isteach d'ioncam iomlán measta don tréimhse 1 Eanáir-31 Nollaig 2025.

- **Scaileán 2, cuid B**

Cuir isteach d'fhaisnéis ioncaim do 2023, 2024 agus 2025.

Clliceáil **Sábháil dréacht** agus **Ar Aghaidh**.

Bain úsáid as na figiúirí seo a leanas:

1. **Figiúirí iarbhir le haghaidh 2023** ó do chuntais iniúchta ó 2023
2. **Figiúirí measta le haghaidh 2024** ó do chuntais bhainistíochta is déanaí
3. **Figiúirí tuartha le haghaidh 2025** ó do theimpléad AAR.

Tugtar míniú sna táblaí seo ar na míreanna ioncaim agus caiteachais ar **scáileán 2, cuid B**.

Míreanna ioncaim	Cur síos
Ioncam i gcoinne na gcroíghníomhaíochtaí	Ioncam ar bith a fhaigheann d'eagraíocht óna gníomhaíochtaí neamhealaíne – e.g. maoiniú deontais an údaráis áitiúil, saoráid nó trealamh a ligtear amach ar cíos, nó táillí gairmiúla
Ioncaim i gcoinne gníomhaíochtaí ealaíne/cláir	Ioncam ar bith a fhaigheann d'eagraíocht óna gníomhaíochtaí ealaíne nó cláir – e.g. díol ticéad, díolacháin foilseachán, díolacháin/coimisiúin ghailearaí, ceardlanna agus seimineáir, táillí ballraíochta
Míreanna caiteachais	Cur síos
Príomhchostais iomlána	Gach costas – lena n-áirítear costais foirne – a bhaineann le reáchtáil leanúnach laethúil na heagraíochta
Costais dhíreacha gníomhaíochtaí ealaíne/cláir	Costais dhíreacha a bhaineann le clár d'eagraíochta a chur ar fáil, e.g. táillí ealaíontóirí, cultacha, seiteanna, léiriú fisiciúil, costais phriontála nó taispeántais, soláthar faisnéise, etc.

- **Scáileán 3 Iarratas a dhéanamh: Uaslódáil an fhoirm iarratais agus an t-ábhar tacaíochta**

Cuid A: cliceáil **Roghnaigh Comhad**, roghnaigh comhad d'fhoirme iarratais agus cliceáil **Uaslódáil**.

Cuid B: uaslódáil d'ábhair thacaíochta **agus do theimpléad AAR**.

Tabhair faoi deara: nuair a uaslódálann tú an teimpléad AAR, **ní mór** duit 'teimpléad um Thuairisc ar Ghníomhaíochtaí Ealaíon' a roghnú ón liosta anuas ionas go mbeidh na measúnóirí in ann é a aithint.

Ag tráth ar bith, cliceáil **Sábháil dréacht** chun d'iarratas a shábháil. Is féidir leat logáil amach agus fillleadh air níos déanaí freisin.

Nuair a bheidh tú críochnaithe le hábhar a uaslódáil, cliceáil **Ar Aghaidh**.

- **Scáileán 4 Seol an t-iarratas**

Caith súil siar ar do shonraí. Nuair a bheidh tú sásta go bhfuil gach rud curtha san áireamh agat, cliceáil **Cuir isteach**.

Ní féidir leat d'iarratas a leasú i ndiaidh é a chur isteach. **Ná cuir an t-iarratas isteach go dtí go mbeidh tú iomlán sásta leis.**

Tar éis duit an cnaipe **Cuir Isteach** a bhrú, feicfidh tú teachtaireacht ar an scáileán lena chur in iúl go bhfuil d'iarratas curtha isteach anois trí Sheirbhísí Ar Líne.

Tá an próiseas iarratais curtha i gcrích agat anois.

Maidir leis an gcéad rud eile a tharlóidh, féach an chuid thíos: [5. An dóigh a ndéantar d'iarratas a phróiseáil.](#)

4. Conas do theimpléad um Thuairisc ar Gníomhaíochtaí Ealaíon (AAR) a chomhlánú

Scarbhileog is ea an teimpléad um Thuairisc ar Gníomhaíochtaí Ealaíon (AAR) ina ngabhtar d'fhigiúirí mionsonraithe airgeadais, lucht féachana agus foirne, chomh maith le faisnéis achomair faoin obair a rinne tú in 2024, agus faoin obair a bheartaíonn tú a dhéanamh in 2025.

Tugadh an próiseas AAR isteach ar thrí chúis:

1. Mar chuid dár dtiomantas feabhas a chur ar an monatóireacht ar thorthaí agus ar thionchar ár n-infheistíochtaí mar uirlis le haghaidh abhcóideachta, comhairle, forbairt beartais agus déanamh cásanna.
2. Mar mhodh chun obair na n-iarratasóirí a mheasúnú agus a rianú ar bhealach comhsheasmhach córasach.
3. A bheith mar bhunús le comhaontuithe maoinithe le heagraíochtaí ealaíon.

Tá dhá bhileog oibre laistigh den teimpléad AAR. Má tá maoiniú straitéiseach á fháil agat faoi láthair, **ní mór** duit bileog oibre 2024 agus bileog oibre 2025 **araon** a chomhlánú.

Ní gá d'iarratasóirí nua ach bileog oibre 2025 a chomhlánú.

Mura gcomhlánaíonn tú na bileoga oibre ábhartha ar fad, is féidir nach mbeidh do AAR bailí agus b'fhéidir nach mbeimid in ann d'iarratas a mheas.

Ní mór duit do theimpléad AAR a uaslódáil mar chomhad Microsoft Excel nó OpenOffice Calc. NÁ hATHRAIGH go comhad pdf é.

Is ann do chúnadh aníos sa teimpléad AAR a thugann treoracha duit chun é a chomhlánú.

Ba cheart duit an teimpléad AAR a chomhlánú mar seo a leanas:

CUID 1	PRÍOMHCHAITEACHAS AGUS IONCAM
Caiteachas bunúsach	Is éard atá i gcaiteachas bunúsach – i.e. forchostais nó costais oibriúcháin nó costais sheasta freisin – ná aon chostais ó lá go lá a bhaineann le do phríomhghnó a réachtáil. Is costais iad seo amhail costais foirne, cíos, morgáiste, fónais nó costais riaracháin ó lá go lá is gá a íoc beag beann ar na gníomhaíochtaí ealaíon sonracha a bhíonn ar siúl ag tráth ar bith.
Ioncam nach mbaineann go díreach leis an ngníomhaíocht	Aon ioncam a fhaigheann d'eagraíocht nach mar thoradh díreach ar gníomhaíochtaí ealaíne ar leith é. D'fhéadfadh gur maoiniú deontais ó údarás áitiúil é seo, nó urraíocht nó tiomsú airgid nach bhfuil tú á lua le gníomhaíocht faoi leith ach atá á chur in aghaidh do chostais fhoriomlána agat. Ba cheart aon ioncam nach mar thoradh díreach ar gníomhaíochtaí ealaíne ar leith é a chur anseo.
Coibhéis lánaimseartha	An líon uaireanta choibhéis lánaimseartha a oibríonn an fhoireann ealaíne do d'eagraíocht in aghaidh na seachtaine -

(WTE) – ealaíontóirí	<p>e.g. bheadh CL 0.5 ag stiúrthóir ealaíne a oibríonn 2.5 lá sa tseachtain.</p> <p>Chun críche sonraí a bhailiú, ciallaíonn an téarma ‘ealaíne’ aon duine a bhfuil cruthú, seachadadh nó éascú ealaíne i gcroílár a ról - e.g. stiúrthóir ealaíne, léiritheoir, bainisteoir léiriúcháin, teicneoir amharc-ealaíon, coimeádaí, eagarthóir.</p>
Coibhéis lánaimseartha (WTE) – daoine nach ealaíontóirí iad	<p>An líon uaireanta de choibhéis lánaimseartha chomhiomlán a oibríonn an fhoireann neamhealaíne do d’eagraíocht, amhail foireann riaracháin, airgeadais agus mhargaíochta – e.g. bheadh coibhéis lánaimseartha chomhiomlán 2.5 ag riarthóir lánaimseartha, ball foirne cuntasáíochta lánaimseartha agus ball foirne margaíochta páirtaimseartha le chéile.</p> <p>Tabhair faoi deara, is é seo a leanas an foirmle coibhéise lánaimseartha:</p> <p>$1 \div 5 \times$ an líon laethanta a oibríonn duine in aghaidh na seachtaine.</p> <p>Is é 1 an choibhéis lánaimseartha a bheadh ag fostaí a oibríonn go lánaimseartha ($1 \div 5 \times 5$).</p> <p>Is é 0.5 an choibhéis lánaimseartha a bheadh ag fostaí a oibríonn go páirtaimseartha ($1 \div 5 \times 2.5$).</p> <p>Is é 0.4 an choibhéis lánaimseartha a bheadh ag fostaí a oibríonn 2 lá in aghaidh na seachtaine ($1 \div 5 \times 2$).</p>
An méid daoine sa Scéim Fostaíochta Pobail	<p>An méid daoine atá fostaithe tríd an Scéim Fostaíochta Pobail nó trí scéim eile.</p>

CUID 2

SONRAÍ FAOIN nGNÍOMHAÍOCHT

Nótaí

1. Ní féidir níos mó ná **fiche** gníomhaíocht a chur sa teimpléad AAR. Má tá níos mó ná fiche gníomhaíocht agat, ba cheart duit do chuid gníomhaíochtaí beartaithe **a chur i ngrúpaí** de réir na foirme ealaíne nó réimse oibre.
2. Ba cheart duit aon ghníomhaíochtaí tráchtála nó aon ghníomhaíochtaí nach dtacóidh Maoiniú Straitéiseach na Comhairle Ealaíon leo a chur isteach mar **aon ghníomhaíocht amháin**.
3. Ba cheart aon ghníomhaíochtaí a chuirfear i láthair nó a scaipfear lasmuigh de Phoblacht na hÉireann, agus aon líon rannpháirtithe a bhaineann leo, a liostáil mar ghníomhaíochtaí **ar leithligh** san AAR
4. **Luchtanna féachana/éisteachta craolacháin/digiteacha:** sa chás go bhfuil lucht féachana/éisteachta beo agus lucht féachana/éisteachta craolta/digiteach ag do ghníomhaíocht nó d’imeacht, cuir na líonta sin ar fáil **ar leithligh** agus liostáil an ghníomhaíocht faoi dhó.

CUID 2.1	Sonraí faoin ngníomhaíocht
A. Ainm na gníomhaíochta	Is é seo an t-ainm a chuireann tú ar ghníomhaíocht aonair. D'fhéadfadh sé gur ainm saothair ealaíne faoi leith é seo, nó i gcásanna áirithe, ainm ginearálta, cuir i gcás 'Clár ceoil' nó 'Saothar do leanaí'.
B. Cur síos gairid ar an ngníomhaíocht	Ba cheart duit cur síos gairid a dhéanamh ar an ngníomhaíocht anseo. Cuidíonn sé seo leis na measúnóirí tuiscint a fháil ar chomhthéacs na gníomhaíochta agus ar an gcaoi a mbaineann sí le do mhisean foriomlán mar eagraíocht.
C. An fhoirm ealaíne	Roghnaigh an fhoirm ealaíne phríomhúil nó an phríomhfhoirm ealaíne don ghníomhaíocht ón roghchlár anuas (nó roghnaigh 'níos mó ná foirm ealaíne amháin' má bhíonn níos mó ná foirm ealaíne amháin i gceist).
D. Cineál gníomhaíochta	<p>Roghnaigh an cineál gníomhaíochta ón roghchlár anuas a thugann an léiriú is fearr ar an ngníomhaíocht atá á déanamh agat. Seo a leanas iad:</p> <ul style="list-style-type: none"> • Imeacht nó taibhiú a dteastaíonn ticéid ina leith: taibhiú á ndíoltar/ndáiltear ticéid lena aghaidh (lena n-áirítear imeacht saor in aisce má tá próiseas áirithinte ann) • Imeacht nó taibhiú nach dteastaíonn ticéid ina leith: Imeacht ar bith (e.g. taibhiú sráide, paráid, seó taobh amuigh) nach gá do dhaoine ticéad a cheannach chun freastal air • Leabhar/foilseachán: leabhar, amhail úrscéal nó cnuasach filíochta, nó foilseachán, amhail tréimhseachán nó irisleabhar, bíodh sé i bhfoirm fhisiciúil nó ar líne • Táirgeadh agus/nó dáileadh déantáin: e.g. cruthú sraith priontaí, nó saothair ealaíne eile a d'fhéadfaí a dhíol nó a dháileadh ar shlí eile • Saothar a chraoladh/a scaipeadh ar líne nó go digiteach: saothar a chraoladh nó a scaipeadh ar líne nó go digiteach – e.g. taibhiú ceoil, saothar ealaíne ar líne, iris nó irisleabhar a fhoilsiú ar líne • Taispeántas: taispeántas amharc-ealaíon, lena n-áirítear suiteálacha dealbhóireachta, scannán ealaíne, suiteálacha fuaime, etc. • Gníomhaíocht rannpháirtíochta, oideachais nó for-rochtana: seo gníomhaíocht ar bith ina mbíonn daoine bainteach le táirgeadh ealaíne trí rud éigin a dhéanamh

nó a chruthú; ina gcuireann daoine smaointe le saothar ealaíne beag beann ar a leibhéal scile; nó ina mbíonn daoine *rannpháirteach* i gceardlanna nó i ngníomhaíochtaí eile dá samhail

- **Gníomhaíocht forbartha saothair nua:** Gníomhaíocht a bhfuil sé mar chuspóir aici saothar nua a fhorbairt – e.g. an próiseas amharclannaíochta le haghaidh dráma nua, an próiseas eagarthóireachta le haghaidh leabhar nua, etc.
- **Taighde/cartlannú/digitiú:** Gníomhaíocht ar bith arb é a príomhchuspóir taighde a dhéanamh nó ábhair a bhaineann le cleachtais ealaíon a chartlannú nó a dhigitiú
- **Gníomhaíocht forbartha foirm ealaíne/atá dírithe ar an ealaíontóir:** Gníomhaíocht ar bith ina ndírítear go príomha ar thacú le healaíontóirí agus cabhrú leo a gcleachtas nó a saothar a fhorbairt, nó imeachtaí coimhdeacha amhail clinicí faisnéise, seimineáir nó comhdhálacha atá dírithe ar ealaíontóirí gairmiúla

E. Príomhspríoc na gníomhaíochta

Roghnaigh an phríomhspríoc ón roghchlár anuas a thugann **an léiriú is fearr** ar spriocghrúpa don ghníomhaíocht atá á déanamh agat. Seo a leanas iad:

- **Lucht féachana agus éisteachta ginearálta:** nuair nach sonraítear príomhspríoc gníomhaíochta ach gur féidir le duine ar bith freastal uirthi nó a bheith páirteach (cé gur minic nach mbíonn an saothar oiriúnach do leanaí)
- **Teaghlaigh:** nuair a bheadh gníomhaíocht oiriúnach do dhaoine fásta agus do leanaí freastal uirthi le chéile
- **Leanaí (0–15):** nuair is leanaí suas le 15 bliana d'aois an phríomhspríoc gníomhaíochta
- **Daoine óga (16–23):** nuair is daoine óga idir 16 bliana agus 23 bliain d'aois an phríomhspríoc gníomhaíochta – e.g. amharclannaíocht óige, rince óige, scríbhneoirí óga
- **Pobail ar leith:** nuair is grúpa sonrath nó pobal sainspéise príomhspríoc na gníomhaíochta – e.g. daoine breacaosta, daoine faoi mhíchumas, daoine i gceantair áirithe gheografacha (ceantair uirbeacha agus thuaithe agus ceantair iargúlta go háirithe), baill de phobail mhionlaigh, daoine atá faoi mhíbhuntáiste socheacnamaíoch (de réir aicme shóisialta, oideachais, ioncaim)
- **Ealaíontóirí nó gairmithe ealaíon atá ag cleachtadh a ngairme:** e.g. eagraíocht acmhainne atá dírithe ar thacaíocht a thabhairt d'fhorbairt ghairmiúil nó ar

phobal ealaíontóirí

CUID 2.2

Sonraí airgeadais

F. Costas iomlán

An costas díreach iomlán do d'eagraíocht as an ngníomhaíocht a dhéanamh. **Ní mór duit gan** na costais foirne lánaimseartha nó príomhchostais eile a lua le gníomhaíochtaí.

G. Ioncam tuillte

Ioncam ó dhíol ticéad nó díolachán leabhar, foilseachán nó saothair ealaíne eile.

H. Ioncam ó fhoinsí eile

Aon ioncam ó fhoinsí seachas díolacháin – mar shampla, urraíocht, tiomsú airgid nó ioncam deontais ó fhoinsí seachas an Chomhairle Ealaíon.

I. Toradh/fóirdheontas a theastaíonn

Suim a ríomhfar go huathoibríoch; is ionann í agus an difríocht idir costas na gníomhaíochta agus aon ioncam ina coinne.

Tabhair faoi deara: i gcásanna áirithe, d'fhéadfadh an t-ioncam iomlán ó ghníomhaíocht a bheith níos mó ná an costas iomlán. Ní fadhb ar bith é sin. Is é an aidhm atá againne léargas ginearálta a fháil ar do chuid gníomhaíochtaí beartaithe, agus ar na costais agus an t-ioncam a bhaineann leo.

CUID 2.3

Méid lucht

féachana/rannpháirtíochta/fostaíochta/imeachtaí

J. Líon an lucht féachana/rannpháirtíochta – íochta &

K. Líon an lucht féachana/rannpháirtíochta – saor in aisce

Ar mhaithe le bailiú sonraí, ciallaíonn 'Rannpháirtíocht' ceann de na ceithre bhrí a leanas:

1. **Lucht féachana**, léitheoirí, éisteoirí, breathnóirí, lucht freastail, cuairteoirí, nó daoine eile *a bhíonn ag plé* le healaín agus imeachtaí ealaíon (e.g. ceadail, díolacháin leabhar, ceolchoirmeacha, drámaí, taibhithe damhsa, taispeántais ealaíne, imeachtaí liteartha)
2. Daoine as an bpobal *a bhíonn páirteach* i dtáirgeadh nó i gcruthú ealaíne nó a bhíonn páirteach i gceardlanna, i ranganna nó in imeachtaí ealaíon (e.g. plé tar éis seónna, seisiún poiblí Ceisteanna agus Freagraí)
3. Daoine *a oibríonn go deonach* ar imeacht nó *a oibríonn go deonach* ag imeacht – mar shampla féile ealaíon, nó mar fhoireann fáilteachais in ionad ealaíon áitiúil (**Tabhair faoi deara:** ní hionann é seo agus rannpháirtithe in imeachtaí ealaíon, ina mbítear páirteach go gníomhach i gcruthú, i dtáirgeadh nó i gcur i láthair saothair)
4. Ealaíontóirí, gairmithe ealaíon agus/nó cleachtóirí eile *a ghlacann páirt* i gceardlanna, i ranganna, nó i ngníomhaíochtaí forbartha eile.

I ngach ceann de na cásanna thuas, tá/níl daoine ag íoc chun

freastal ar an ealaín/chun plé leis an ealaín. **Níl íocaíocht á fáil acu.**

An bhfuil cabhair bhreise de dhíth ort le d'uimhreacha rannpháirtíochta a thiomsú?

Tá treoir bhreise maidir leis an gcuid seo den fhoirm a chomhlánú ar fáil ar ár suíomh gréasáin ag <http://www.artscouncil.ie/ga/na-healaiona-in-eirinn/forbairt-straiteiseach/Rannphairtíocht-an-phobail/>.

L. Líon na n-ealaíontóirí atá fostaithe

Líon na n-ealaíontóirí atá fostaithe, ar conradh nó coimisiúnaithe go díreach chun gníomhaíocht a dhéanamh nó a chur i gcrích. Chun críche sonraí a bhailiú, ciallaíonn an téarma 'ealaíontóir' aon duine a bhfuil cruthú, seachadadh nó éascú ealaíne i gcroílár a ról – e.g. bainisteoir léiriúcháin, eagarthóir, léiritheoir, teicneoir amharc-ealaíon, bainisteoir stáitse, dearthóir grafaice clúdaigh leabhair.

Tabhair faoi deara: más láithreoir, ionad tionóil nó féile thú, agus mura bhfuil na healaíontóirí á bhfostú go díreach agat chun an ghníomhaíocht a chur i gcrích, fág an spás seo bán.

M. Líon na ndaoine eile atá fostaithe

Líon na ndaoine nach ealaíontóirí iad atá á bhfostú nó ar conradh go díreach chun gníomhaíocht a chur i gcrích.

Tabhair faoi deara: más láithreoir, ionad tionóil nó féile thú, agus mura bhfuil na healaíontóirí á bhfostú go díreach agat chun an ghníomhaíocht a chur i gcrích, fág an spás seo bán.

N. Líon na dtaibhithe/nithe/imeachtaí/laethanta a bhítear ar oscailt

Cabhraíonn sé seo linn tuiscint a fháil ar an méid deiseanna atá ag spriocthairbhithe do ghníomhaíochtaí beartaithe chun dul i ngleic le gach gníomhaíocht.

Is é seo an méid léirithe aonair ar dhráma nó ar phíosa damhsa; an méid leabhar a chuirtear i gcló; an méid nithe ealaíne a chruthaítear; nó an méid ceardlann, ranganna nó imeachtaí eile a chuirtear ar siúl. I gcás na n-amharc-ealaíon, ciallaíonn sé an **méid laethanta** a bhíonn taispeántas ar oscailt don phobal.

Nóta maidir le costais a lua

Le gur féidir linn sonraí a bhailiú go comhsheasmhach, **níor** cheart duit aon cheann de do phríomhchostais a lua le gníomhaíochtaí. Is sampla de sin na costais tuarastail a bhaineann le bainisteoir clár lánaimseartha. Mar bhall foirne lánaimseartha buan é/í, ba cheart go dtaifeadfaí a t(h)uarastal mar **phríomhchostas**, cé go bpléann sé/sí le maoirsiú agus soláthar clár gníomhaíochtaí den chuid is mó. Mar thoradh air sin, beidh comhsheasmhacht le sonrú sa chaoi a gcuirtear sonraí ar fáil. D'fhéadfadh sé tarlú, i gcásanna áirithe, nach mbeidh aon **chostais dhíreacha** agat i gcoinne gníomhaíocht áirithe. Tá sé seo inghlactha.

Nóta maidir le gníomhaíochtaí a liostú

Ní féidir níos mó ná **fiche** gníomhaíocht a chur sa tábla nó ar an teimpléad AAR. Má tá níos mó ná fiche gníomhaíocht agat, ba cheart duit do ghníomhaíochtaí beartaithe a **ghrúpáil** ar bhealach a léiríonn an obair a dhéanann an eagraíocht.

5. An dóigh a ndéantar d'iarratas a phróiseáil

Sa chuid seo, insítear duit faoin gcaoi a ndéanann an Chomhairle Ealaíon measúnú ar d'iarratas agus an chaoi a ndéanann sé cinneadh faoi. Ceapadh an próiseas seo chun a chinntiú go bhfuil an próiseas oscailte, cothrom agus trédhearcach.

- 1 I ndiaidh d'iarratas a chur isteach, ba cheart go bhfaighfeá dhá ríomhphost:
 - Eiseofar an chéad cheann láithreach bonn, agus admhófar d'iarratas leis.
 - Ba cheart go dtiocfadh an dara ceann cúpla nóiméad ina dhiaidh sin. Beidh d'uimhir iarratais ann, a mbainfimid úsáid aisti sa chomhfhreagras ar fad faoi d'iarratas.

Tabhair faoi deara: ní chiallaíonn na ríomhphoist seo ach go n-aithníonn an córas ar líne gur chuir tú iarratas isteach. Ní chiallaíonn siad go bhfuil d'iarratas incháilithe le haghaidh maoiniú.

Mura bhfaigheann tú ríomhphost ina mbeidh d'uimhir iarratais, téigh i dteagmháil le onlineservices@artscouncil.ie

- 2 Seiceáiltear inghlacthacht an iarratais. Seiceáil na critéir incháilitheachta i gcuid [1.3](#) agus [1.4](#) thuas.

Ní mór duit d'iarratas a chur isteach ar Sheirbhísí ar Líne. Ní ghlacfaimid le d'iarratas más rud é:

- Níor chuir tú foirm iarratais chomhlánaithe isteach agus níor uaslódáil tú doiciméid tacaíochta trí shuíomh Seirbhísí Ar Líne na Comhairle Ealaíon
- Níor chuir tú an t-iarratas isteach faoin spriocdháta.

D'fhéadfadh nach mbeimid in ann d'iarratas a mheas más rud é:

- Níor chuir tú teimpléad comhlánaithe AAR isteach le d'iarratas.
- Níor chuir tú an t-ábhar tacaíochta a theastaíonn isteach
- Níor chuir tú an t-ábhar tacaíochta eile a bhaineann le d'iarratas isteach.
- Rinne tú iarratas ar ghníomhaíochtaí nach gceadaítear faoin gclár maoinithe seo
- Rinne tú iarratas ar ghníomhaíochtaí a bheadh ní b'oiriúnaí do chlár maoinithe eile a thairgeann an Chomhairle Ealaíon nó gníomhaireacht rialtais eile a bhronnann deontais.

Má mheastar d'iarratas a bheith neamh-incháilithe, is féidir leat iarratas a dhéanamh arís leis an togra céanna le haghaidh babhtá maoinithe amach anseo má chomhlíonann sé na riachtanais incháilitheachta.

- 3 Déantar measúnú ar an iarratas agus tugtar scór dó bunaithe ar na critéir mheasúnaithe.

- 4 Ullmhóimid moltaí don Chomhairle agus d'Fheidhmeannas na Comhairle Ealaíon.

-
- 5** Déanann an Chomhairle breithniú ar mholtaí agus déanann sí cinntí deiridh maidir leis na méideanna á n-iarraidh ar €50,000 nó níos mó.
Déanann Feidhmeannacht na Comhairle Ealaíon breithniú ar mholtaí agus déanann sí cinntí deiridh maidir leis na méideanna á n-iarraidh faoi €50,000.
-
- 6** Cuirfear ar an eolas thú faoin gcinneadh agus gheobhaidh tú cóip den mholadh freisin.
-
- 7** Má éiríonn le d'iarratas, seolfaimid sonraí chugat faoin gcéad rud eile ba cheart duit a dhéanamh.
-

6 Cén chaoi a n-úsáideann an Chomhairle Ealaíon d'fhaisnéis agus cén chaoi a dtugann sí cosaint don fhaisnéis sin?

6.1 Cosaint Sonraí

Bainfidh an Chomhairle Ealaíon úsáid as an bhfaisnéis a thugann tú i d'iarratas chun tuiscint a fháil ar d'eagraíocht agus ar na gníomhaíochtaí sin a bhfuil maoiniú á lorg agat ina leith. Féadfaidh an Chomhairle Ealaíon cuid den fhaisnéis sin a úsáid ar fháthanna eile freisin – e.g. chun ár mbunachar sonraí a nuashonrú nó chun cabhrú linn áitiú níos mó ar an Rialtas go gcaithfear maoiniú a sholáthar ar son na n-ealaíon.

Le gur féidir maoiniú ar bith a bhronnadh ar d'eagraíocht, beidh sonraí pearsanta áirithe de dhíth – e.g. seoltaí ríomhphoist, sonraí tuarastail agus teidil phoist. Coinneofar agus próiseálfar sonraí pearsanta ar bith a thabharfaidh tú dúinn i gcomhréir leis na hAchtanna um Chosaint Sonraí 1988 go 2018, agus i gcomhréir le dlíthe agus rialacháin infheidhme eile maidir le cosaint sonraí a achtófar nó a dtiocfaidh éifeacht leo ó am go ham.

Bainfidimid úsáid as an bhfaisnéis san fhoirm iarratais seo (lena n-áirítear sonraí pearsanta) chun d'iarratas a phróiseáil, agus le haghaidh cumarsáid leanúnach eadrainn. Déanfaidh an Chomhairle Ealaíon sonraí pearsanta ar bith a choimeád agus a phróiseáil fad is a bheidh siad de dhíth – i.e.

1. Measúnú agus cinneadh a dhéanamh ar d'iarratas agus i gcás iarratas mírathúil, tréimhse ar bith ina dhiaidh sin a chríochnódh le cur i gcrích nó socrú achomhairc nó agóide dlíthiúla; **agus**
2. Le haghaidh bainistíocht nó feidhmíocht comhaontú maoinithe ar bith a thiocfadh as iarratas rathúil agus tréimhse ar bith ina dhiaidh sin a chríochnóidh le cur i gcrích nó socrú aon éilimh nó imeachtaí dlí maidir le comhaontú maoinithe.

Féadfar sonraí pearsanta a nochtadh do mheasúnóirí seachtracha arna gceapadh ag an gComhairle Ealaíon chun páirt a ghlacadh sa mheasúnú ar d'iarratas ar mhaoiniú. Féadfaidh an Chomhairle Ealaíon sonraí pearsanta a phróiseáil le haghaidh taighde nó anailís eile ar shonraí, agus sa chás sin déanfar na sonraí pearsanta a anaithnidiú.

Má tá aon cheist agat i ndáil le próiseáil na sonraí pearsanta arna gcur ar fáil agat féin, seol ríomhphost chuig dataprotection@artscouncil.ie le do thoil.

6.2 Saoráil Faisnéise

Féadfar faisnéis a thugtar don Chomhairle Ealaíon a nochtadh de thoradh ar iarraidh a dhéantar faoi bhun an Achta um Shaoráil Faisnéise 2014. Má mheasann faighteoirí **nár** cheart faisnéis áirithe a nochtadh mar gheall ar a rúndacht nó ar leochaileacht tráchtála, ní mór d'fhaighteoirí, agus iad ag tabhairt faisnéis den sórt sin, faisnéis dá leithéid a aithint go soiléir agus na cúiseanna a bhfuil sé rúnda nó leochaileach ar bhonn tráchtála a shonrú. Mura n-aithníonn faighteoirí faisnéis den sórt sin mar fhaisnéis rúnda nó atá leochaileach ar bhonn tráchtála, d'fhéadfaí í a nochtadh mar fhreagra ar iarratas ar Shaoráil Faisnéise gan a thuilleadh fógra don fhaightear ná dul i gcomhairle leis an bhfaighteoir. Rachaidh an Chomhairle Ealaíon i gcomhairle, nuair is féidir, leis an bhfaighteoir maidir le faisnéis a

aithnítear mar fhaisnéis rúnda nó atá leochaileach ar bhonn tráchtála sula ndéanfaidh sí cinneadh ar iarratas arna fháil faoin Acht um Shaoráil Faisnéise.

- Chun eolas a fháil faoi fhorálacha an Achta, féach ar <https://foi.gov.ie/ga/>.
- Is féidir breathnú ar ár mbeartais um Shaoráil Faisnéise anseo: <http://www.artscouncil.ie/ga/Teigh-i-dteagmhail-linn/Saorail-faisneise>.